

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
Općinsko vijeće

Komisija za provođenje postupka po javnom oglasu za imenovanje
jednog člana Općinske izborne komisije Hadžići

Broj: 01-02-951-1/21
Hadžići, 02.02.2021.godine

Na osnovu člana 7. tačka c) Upustva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u BiH - Prečišćeni tekst ("Službeni glasnik Bosne i Hercegovine", broj 29/18 i 36/19) i tačke VII Odluke o objavljivanju javnog oglasa za imenovanje jednog člana Općinske izborne komisije Hadžići (broj 01-02-951 od 28.01.2021. godine), Komisija za provođenje postupka po javnom oglasu za imenovanje jednog člana Općinske izborne komisije Hadžići dana 02.02.2021.godine donosi:

**PRAVILA
ZA BODOVANJE KANDIDATA ZA IMENOVANJE
JEDNOG ČLANA OPĆINSKE IZBORNE KOMISIJE HADŽIĆI**

**Član 1.
(Predmet)**

Ovim Pravilima Komisija za provođenje postupka po javnom oglasu za imenovanje jednog člana Općinske izborne komisije Hadžići (u daljem tekstu: Komisija) utvrđuje kriterije za bodovanje kandidata čije prijave su na osnovu Odluke o objavljivanju javnog oglasa za imenovanje jednog člana Općinske izborne komisije Hadžići (broj 01-02-951 od 28.01.2021.godine) potpune i blagovremene kao i postupak i način bodovanja kandidata na osnovu kojih Komisija sačinjava rang listu kandidata za imenovanje jednog člana Općinske izborne komisije Hadžići prema uspjehu postignutom na intervjuu.

**Član 2.
(Sadržaj intervjuua)**

- 1) Intervju za kandidate iz člana 1. ovih Pravila sastoji se iz opšteg i stručnog dijela.
- 2) Opšti dio se sastoji iz 2 (dva) a stručni iz 3 (tri) pitanja, na osnovu čega se svakom kandidatu postavlja ukupno 5 (pet) istovjetnih pitanja koje usaglašava Komisija sat vremena prije početka intervjuua

**Član 3.
(Kriteriji)**

- 1) Opšta pitanja će se odnositi na profesionalnu karijeru kandidata, sposobnost i spremnost za timski rad u stresnim situacijama i vještinu komuniciranja.
- 2) Stručna pitanja će se odnositi na poznavanje izbornog zakona BiH i podzakonskih akata CIK-a.
- 3) Predsjednik i svaki član postavljaju kandidatu po jedno pitanje.

**Član 4.
(Ocjenjivanje)**

- 1) Predsjednik i svaki član Komisije će svakog kandidata na intervjuu ocjeniti za svako pitanje ocjenom od 1 do 5.
- 2) Nakon dobijenog odgovora na postavljeno pitanje iz člana 2. i 3. Ovih Pravila, predsjednik i svaki član Komisije dužan je izvršiti ocjenjivanje svakog kandidata na obrascu (obrazac 1) koji je sastavni dio ovih Pravila.
- 3) Predsjednik i svaki član Komisije ukupan broj bodova, koji je dobio svaki pojedini kandidat na intervjuu dijeli sa brojem 5 (broj pitanja), čime se dobiva pojedinačna ocjena predsjednika i članova Komisije za svakog kandidata pojedinačno te se takav popunjeni i potpisani (obrazac 1) predaje predsjedniku Komisije.

Član 5.
(Način bodovanja)

- 1) Ocjene koje je dobio svaki kandidat od strane predsjednika i članova Komisije zbrajaju se na zbirnom obrascu (obrazac 2), kako bi se dobio konačan broj bodova za svakog pojedinog kandidata.
- 2) Ukoliko dva ili više kandidata, nakon zbrajanja bodova, budu imali jednak ukupan broj bodova, prednost kod rangiranja kandidata ima kandidat koji je dobio veći broj bodova na postavljena stručna pitanja.

Član 6.
(Rang lista kandidata)

Nakon provedenog intervjua sa svim kandidatima, Komisija sačinjava rang listu sa redoslijedom kandidata prema uspjehu (ukupnom broju bodova) postignutom na intervjuu i istu verifikuje na sjednici Komisije.

Član 7.
(Izveštaj Komisije)


Komisija na svojoj sjednici verifikuje izvještaj o provođenju postupka izbora jednog člana Općinske izborne komisije Hadžići sa svim elementima koji su utvrđeni u tački VII Odluke objavljivanju javnog oglasa za imenovanje jednog člana Općinske izborne komisije Hadžići (broj 01-02-951 od 28.01.2021. godine) i isti podnosi Općinskom vijeću Hadžići.


Član 8.
(Objavljivanje Pravila)

Ova Pravila stupaju na snagu narednog dana od dana objavljivanja na web stranici općine Hadžići.

Napomena: Ova Pravila su dana 03.02.2021.godine objavljena na WEB stranici Općine Hadžići.

Komisija za provođenje postupka po
javnom oglasu za imenovanje
jednog člana Općinske izborne komisije Hadžići


Predsjednik
/Sabahudin Kazić/

Član

/Almin Tufo/

Član

/Lejla Koro/

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
Općinsko vijeće

Komisija za provođenje postupka po javnom oglasu za imenovanje
jednog člana Općinske izborne komisije Hadžići

OBRAZAC ZA OCJENJIVANJE KANDIDATA - OBRAZAC 1

Ime i prezime kandidata za člana OIK Hadžići

datum održavanja intervjua

R/B	PITANJE	OCJENA 1-5	KOMENTAR
1.	OPŠTE PITANJE 1		
2.	OPŠTE PITANJE 2		
3.	STRUČNO PITANJE 1		
4.	STRUČNO PITANJE 2		
5.	STRUČNO PITANJE 3		

KANDIDAT JE OCIJENJEN UKUPNOM OCJENOM _____
BROJ (SLOVIMA)

Ime i prezime predsjednika/člana komisije

Svojeručni potpis predsjednika/člana komisije

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
Općinsko vijeće

Komisija za provođenje postupka po javnom oglasu za imenovanje
jednog člana Općinske izborne komisije Hadžići

OBRAZAC ZA OCJENJIVANJE KANDIDATA - OBRAZAC 2

Ime i prezime kandidata za člana OIK Hadžići

datum održavanja intervjua

OCJENA PREDSJEDNIKA KOMISIJE	OCJENA ČLANA KOMISIJE	OCJENA ČLANA KOMISIJE
KONAČAN (ZBIRNI) BROJ BODOVA		

KANDIDAT OCJENJEN UKUPNOM OCJENOM KOMISIJE _____
BROJ(SLOVIMA)

Komisija za provođenje postupka po
javnom oglasu za imenovanje
jednog člana Općinske izborne komisije Hadžići

Predsjednik

/Sabahudin Kazić/

Član

/Almin Tufo/

Član

/Lejla Koro/